

gift

10

詩書

海菴集天

卷三



海菴先生文集序

伽倻之山嶙峋秀拔控嶠嶺之南蔚然爲是  
邑之望其氣之扶輿磅礴不專爲丹砂金錫而  
鍾出許多偉人其在羅麗時尙矣無論我穆  
陵之世寒岡東岡兩先生以道德文章爲百世  
之師卽茲山秀氣所稟也兩岡之後一州之鴻  
碩輩出比他郡迥別至 健陵末間海菴處士  
崔先生降于伽川之上伽麓之陽符彩清瑩如  
冰壺貯月氣象溫和如玉樹臨風亦淑氣之鍾  
也歟蓋先生才器超邁志意堅懇勿失辟明之



教而能敦篤乎彝倫長乏指引之功而能沉潛  
乎經術保葵宜家爲實地工夫明善誠身爲日  
用程課端莊敬慎而不離乎平常正直方嚴而  
不涉乎矜持所施當於理則全廩可傾而些吝  
不萌所得非其義則萬鍾可辭而一芥莫取履道  
日益亨進德日益崇掛牌東拂於鄉社黨塾之  
間威儀可法言語有章辨禮如決訟解經如破  
竹聲氣之盱擊動若梅檀之木潮風而香聞一  
方之士與被薰沐而仰之如長庚北斗苟使出  
爲世用則黼黻皇猷全鏞聖治以推其學道之

效者必有以幾及乎諸先輩之偉蹟而奈之何  
直指之薦刺使之褒不能以上達於九重之  
邃畢竟終老草野噫乎其天也存順沒寧而先  
生之天定矣尚復何嗟嗚乎先生所著有四七  
辨鬼神論諸篇不曾蹈襲乎前儒之舊而皆出  
於摸索臆認之餘深造獨得之見吾未知近世  
嶺南北窈窕談理之家更有如此見解否至如  
心史禮說朱書攷疑井田稽式古史得失之訂  
列國災祥之評滾滾該暢鑒亡中窾詩亦冲澹  
蕭散陶寫性靈而序記諸作卷二於言行樞機

之際此吾先君兩坪子之時嘗賴卜其庸信庸  
謹將應千里而動天地者也嗟乎衆濶一變玄  
亭寂寞星之人士大悞先生妙道精義之發或  
至括泯汶而無傳八思議出義氣鳩合銖兩惟  
侵梓壽傳是圖茲可見先生教澤之八人淡而  
抑非他州之士所能及也蘭善以姨弟之親獲  
覩光範已在孩提時及長再扣門牆而誠淺學  
蔑不敢操一經受一訓乃今八耄頽殘追恨靡  
及屬者先生曾孫晉坤膏遺稿數十冊以貽宗  
老之命請余讐校又責以識其耋耄者蓋商量存

拔李友種杞已先之矣今但正其訛舛第其方  
部猶以僭冒爲嫌况續言乎所以三辭而歸之  
末乃得其高第所撰狀行文盥手敬讀恍然重  
見先生之玉貌星瞳而伽倻清淑之氣十分呈  
露於尺幅之間遂愴然久之草草泚筆然識膚  
詞萎惟佛頭汗是懼云

歲癸卯天中節長水黃蘭善謹序



海菴先生文集目錄

卷之一

詩

敬次先祖竹軒先生與諸賢唱酬時字韻

七人詩

竝序

秋日滯雨呂俊元

宜周

家適主人出外獨坐

述懷

呈李丈

在敏

贈姨弟黃濟普

萬善

同輔

蘭善

次族叔文則

謨翰

立春韻

迷懷呈姜道仁

哲欽

訪黃公弼

浩善

黃香樹

源善

其翌登玉峰

謹次密菴李先生韻

敬次泉谷先祖贈別李道村詩

悶熱

謹次退陶李先生眼漸昏昏耳漸聾之句

贈姜道仁

檜淵講罷次朴丕卿

履基

韻

秋夜寄李應晦

次張致重

仕遠

母夫人晬宴韻

秋夜憶李周老

源祐

甲午七月往茶山與諸長老會話湖上

次呈族叔仲善

謙翰丈

謹次盧丈

沒

萬物吟

敬次族曾大父負暄翁

益重

明發軒韻

是非

贈別姜禹聞

善欽

下上吟

和金文一

吳純

求放心韻

次孫孝登

鍾恭

雨中韻

次呂敬瞻

應奎

回甲韻

次宋敬時

天欽

次李士晦

根容

自叙詩

座右書妙靈涵道左書即感審幾

次族叔伯顯

周翰

與李景立

秀容

南遊韻

和贈李仲克

根漢

讀陳潛室問剛柔相半為中感而占中字一

絕

次族弟釋承

未甲

春字韻

和呈木天則 鴻翼

晚歸亭與主人共賦

和贈張秀才 奎贊

次李道汝 源煦 洗心臺韻

讀書海印寺韓上舍國翁 命駿 見訪

次皇明都司中軍浙江施公大明壇韻

輓族大父蒙窩翁 桂河

輓察訪李公 在嵩

輓三從曾大父老圃公 衡重

輓淵西鄭公 壘

輓鄭審元 大末

輓張新齋省伯 錫愚

輓李寒臬周老

輓尹德載

輓李德能

輓金叅奉 相洛

輓族大父松雲公 明海

輓族叔 達翰 丈

輓朴松石 履坦

輓李益如 頤運

輓定齋柳公

致明

輓黃守窩公弼

輓李西臯陪歌

芝運

輓朴晚睡丕卿

輓金活源孟庸

吳誠

輓金聖寬

輓金公

後燁

卷之二

書

上定齋柳公

上定齋柳公

答申方伯 錫愚

上鄭兵使 泰東

上鄭兵使

上參判姜公 世綸

上吳明府 顯相

答金明府 在巖

上金公 幼善

上疎窩李公 實陸

答疎窩李公

答陳寫李公

上兩坪黃公

麟老

上素窩李公

在淵

與族叔二如翁

聞翰

與東泉文公

正儒

與李周老

與張省伯

與張省伯

答黃公弼

與黃公弼

答金孟庸

答金孟庸

與李凝窩周賢

源祿

與李凝窩

答李凝窩

別紙

答李凝窩

答李凝窩

答李凝窩別紙

中庸疑義

與鄭孟剛

與李皓歌

與李進士壽敏

與孫興汝

答鄭仲喬

璠

答鄭仲喬

答鄭仲喬

答鄭仲喬

與李乃弘

濟未

答吳希魯

答黃晉樸

家藏先生文集

與黃晉欒

答金士瞻 斗應

卷之三

書

答李孟實 宗熙

答李孟實

答金國明 鎮奎

答金國明

答李士晦

與姜伯鑑 鑑

答河凍

答姨弟黃濟普

答姨弟黃濟普

答李汝雷震相

別紙心經疑義

答李汝雷

別紙

答李震客中庸問目

答姨弟黃同輔

答姨弟黃同輔

與姨弟黃同輔

答黃道吉

在昌

答金南輝

箕應

答申性元

濊

問目

答族弟士瑜

未瑗

問目

答壻君孫洛玄

趙龜

問目

答朴甥者勸問目

與永川望亭諸宗

答檜淵講會儒生張

龍煥

金鉉可

台應

宋文甫

祺善

鄭寬彦

世容

崔允文

靈穆

規

問

答晴川請會問自

與呂俊元

答李致曜

有顯

卷之四

雜著

四七問答

人心人欲辨

讀春秋

讀左氏

正考父

子產

讀宋史

讀朱子太極說

讀朱子跋黃仲本朋友說

讀中庸或問

讀東萊呂氏書

論陸象山學

常變通攷疑義

卷之五

雜著

酬酢錄

序

敬次朱文公贈林熙之詩序

活源金孟庸晬宴詩序

蒙窩翁水仙花詩序

檜洲學契案序

晴川學契案序

記

晚歸亭記

永清先生文集目錄  
九  
醫睡軒記

羅峴齋重脩記

可軒記

跋

敬題泉谷先祖贈別遁村李公詩後

題常語折衷後

題程子養觀說後

題浙江施氏家乘後

說

四七說

氣質說

太極圖傳受說

大學誠意章說

鬼神說

無是餒說

井田圖說

卷之六

銘

三八銘

與金史伯興

杖銘

上標文

荆山祠上標文

祝文

荆山祠奉安文

常享文

祭文

祭蔣大父進士公 柱浩 文

祭族叔處士公 學翰 文

祭族大母昌寧成氏文

祭本生祖考文

祭兩坪黃公文

祭鄭亨伯樞亨文

祭疎菴李公文

祭族叔處士公龍翰文

祭姜疎菴道仁文

祭族大父杜臣文

行狀

先祖勿軒先生行狀

先考通德郎府君家狀

先妣恭人慶州孫氏行錄

姨母孺人慶州孫氏行錄

附錄

行錄

海菴先生文集目錄終

海菴先生文集卷之一

詩

敬次先祖勿軒先生與諸賢唱酬時字韻

先祖暨柳西厓金忠孝堂權貢岩李月沙李  
白沙李漢陰金清陰鄭愚伏李蒼石諸先生

遺篇莊誦頓忘飢今古悠亡八我思從來雖劫義壙  
慕其奈孱孫生不時

七人詩

並序

癸卯元月七日族中二三文人作七人詩蓋  
七日謂之人日而又用七人字為詩是不過  
文人一時之戲非古例也余又和之為他日

一笑之資

堯何人也我何人形色看來揔是人既人那乏爲人  
道堯舜人非別件人

秋日滯雨呂俊元

宜周

家適主人出外獨坐迷

懷

不遠伽陽客綠何臥小堂山雲迷去路野南逼虛牀  
舊契蘭空秀餘香菊自芳隣翁來許宿歸夢繞簷長

呈李丈

在敏

籬菊荒亡日汀蒲并亡年秋多紅樹裏山複白雲邊  
拙法惟安分真心每聽天浮生多耽感遐祝壽如仙

贈姨弟黃濟普

萬善

同輔

蘭香

離關經年獲惠音文辭清絕謫霄襟嗟哉累險同君  
我任底炎涼異古今有命猶求誠妄想當為不做豈  
真心隨時隨分從容處莫向奔波較淺深

次上舍梧岡族叔文則

謨翰

立春韻

病裏春秋已五十自憐身勢每多酸聊知分數終難  
免善事天君為報安

述懷呈姜道仁

哲欽

霽月間雲一色空此中無恙臥疎翁西山屹立祥光  
照伊水橫流爽氣通為問花香栽幾處每聽蟬語憶

高風何時樽酒相逢處細說詩文較異同

訪黃公弼

浩善

黃晉懋

源善

其聖登玉峰謹次

密菴李先生韻

三月中牟萬木開玉峰今日客登來兩山密二相繆  
處剩得清潺一水回

敬次泉谷先祖贈別遁村李公詩

先祖與遁村李公爲道義交李公見忤於時

竊負其父委命於先祖時先祖丁內艱葬於

羅峴廬居墓側見李公納而藏之合柱中夜

則同枕而寢食則一盂而分以至三載不使

家人知之不幸李公丁父喪於藏中先祖親  
執葬埋於母夫人階下數步之地而婢僕亦  
莫之知其由也其後未幾世登玉燭李公告  
歸漢陽先祖以詩贈別曰慷慨傷時淚滿襟  
流離孝思達幽陰漢山迢遞雲烟隔羅峴盤  
回草樹淡天占後先雙馬鬣誰知君我兩人  
心願言世已長如此須使交情利斷金

遺躅分明一老襟東風落日故山陰百年修已全三  
德一代詞章體四濠羅峴那堪雲樹惡漢濱應照玉  
壺心至今馬鬣分前後誰識當年助白金

悶熱

天地洪爐一氣中  
陶鎔萬物自成功  
安得北窓閑世  
思祇將餘日卧清風

謹次退陶李先生眼漸昏亡耳漸聾之句贈姜

道仁

眼漸昏亡耳漸聾  
二盲高臥北窓風  
雲消堯舜君民  
志樂在羲軒世界中  
繞座流霞千樹迴  
蒲床纖月一  
天空題詩莫浪傳  
人口年少英豪笑  
此翁

檜淵講罷次朴丕卿

履基

韻

鳳去何年垂德音  
碧松芳草會吾林  
羣英有為多欣

感老醜無知反愧心三八可推門路正百千難効已  
功尋方圓進退相酬地雲穗天花繞樹深

秋日寄李應晦

儘覺吾身秣太倉生涯小小在耕桑詩兼白雪吟懷  
冷門對黃稷夜氣香前哲有謨銷舊癖還重無術愧  
新方吁嗟霜髮今如許雲樹那堪歲月忙

次張致重

性遠

母夫人晬宴韻

南國有端士怡愉承孟母上堂問起居出闔治田圃  
顏巷未空瓢曾厨必有酒景暖天中節風輕洛浦柳  
悅親宜此時忠養亦何負仲米與王鯉謀詢及嫂婦

盃盤補有無嘉賓列甥舅衣彩成雙舞孫孩有幾走  
遐祝無窮意天山臨座右

秋夜憶李周老

源祐

牢臥伽陽霽後天懷人不見倍昭然蟲聲斷續疎籬  
下山色高低落月邊病葉驚鳴秋愁白髮新詩吟露瀉  
紅泉豪情雅意何時話裨益賢於讀十年

甲午七月往茶山與諸長老會話湖上

湖上乾坤大塵中日月忙寒暄悲髮白詩酒疆顏蒼  
鷺渚翁心潔蟬枝客語涼晚來移草座歌曲動斜陽

次呈族叔仲善

謙翰夫

山從伽洛國水走碧玕洲落景留孤樹流雲鎖小樓  
未能爲已客何用責人周可笑浮生事居然髮已秋

謹次盧丈

沒

居索伽陽一僻村每承嘉惠喜醒昏無心冷雨當簷  
亂多事矯禽入幕喧剩得閒雲淡洞壑且綠流水  
關山門陽春正合詩家會意到何難供一樽

萬物吟

天地儲精萬物生  
物中旋見有人生  
人從那裏同爲  
物天亦初非物  
外生物去物來  
只這裏隨時隨  
處自然生  
自然二後言天  
道無事閑中一  
老生

敬次族曾大父負暄翁

並重

明發軒韻

孝親只在奉身宜，畢足宣言輒有思。況乃佳城三里近，那堪孺慕百年追。葵筓根餘霜幾過，杉松枝老歲多時。至今明發懷人意，碧水青山不勝悲。

是非

自是非人便即非，仁中有是是中非。非非是是誰能辨，不是天真莫是非。

贈別姜禹聞

善欽

南遊能耳客，踏盡海門樓。壯氣山方丈，誦詩筍萬波。何緣君鬢黑，旋怪我髭皤。分手無窮意，長郊草色多。

下上吟

未感那時萬象具  
融亡天地即吾中  
纔通喜怒哀偏在  
物亡上還看自有中

和金文一

吳純亦放心韻

俄看驥外奔千里  
便覺要知在此間  
勸君慣熟惺亡  
法須使良驥不失閑

次孫孝登

鍾參雨中韻

春雨支離氣欲凝  
虛窓中夜伴孤燈  
養精非是求仙  
侶默坐還嫌向  
辟僧計拙多慚  
千不似才疎何恨  
一無能紛二豈若  
從吾好要得源  
頭活水澄

次呂敬瞻 應奎 回甲韻

修短人間聽昊天重春花甲喜逢年未及老萊身上  
著一般宮壤恨難宣

次宋敬時 天欽

悠悠天地老君平飲啄只管白水耕氣得陽春期有  
用頭逢凍雪愧無成如今杜甫巾車出仍舊瀟翁庭  
草生幸荷故人詩話贈朗吟三復發省明

次李士晦 根容 自叙詩

歲月人間易見欺居然世事每多違肘生細柳經秋  
餘頭戴飛蓬送雪暉木鐸心空天地窄桑弧志老文

夫非徘徊半夜停盃語無用身何七尺頽

座右書妙靈涵道左書即感審幾

至無至有妙難看萬象都涵肚寸寬天理藹然審幾  
虛危微覷破在其端

右詠妙靈涵道

太極分時最好看油然興處寸心寬事去物消還寂  
寂要知動靜是無端

右詠即感審幾

次族叔伯顯

周翰

與李景立

秀容

南遊韻

虛喫光陰老管天海山都付意中賢世情莫說今殊  
古行樂何妨後者先

和贈李仲克

根漢

忽奉新詩罷驚睡老儂無以答琴心梅腮欲吐嬌生  
壁柳眼方開煖起林人情幻化皆非古天意環循自  
在今舍變從常眞事業願君努力月明潯

讀陳潛室問剛柔相半爲中感而占中字一絕  
不及非中過失中恒陽恒雨各迷中中若剛柔相半  
處陽單陰獨惣無中

次龔弼稱承

未甲

春字韻

人間七十已多春仁上加春剩得春天地氤氲方寸  
物古今融洩一般春有梅可愛霜前朶有柳聊知雨  
後春洗濯浮塵沂水畔與君論志咏歸春

和呈宋天則

鴻翼

青衿鰲背席樽酒咎光塵不怕君平棄多慚水鏡嘆  
裴情傷季世真境感前人吾輩相憐地流年已七旬

晚歸亭與主人令共賦

居然無事七旬翁宿計今來始不空檻外寒聲翻玉  
屑眼前幽色雜秋容談世無妨看處異論經其奈意  
靡同踰山涉水留三夜繾綣多荷起病慵

和贈張秀才

奎贊

為已為人只在人天真惟在養吾真苟求千載誠非  
遠何恨吾人生不辰

次李道汝

源煦

洗心臺韻

滌亡細澗匯成川  
碎玉明澗擬碧天  
此理無形難做  
說自然來者自然還

讀書海印寺韓上舍國翁

命駿

見訪

看書心欲細  
喫淡味方神  
可愛晴宵月  
惟慚白髮人  
鍾聲傳佛古  
山色撥雲新  
羅代千年葉  
只餘奉刹塵

次皇明都司中軍浙江施公

文用

大明壇韻

百年名節在人脩  
隨處權經任處流  
萬里孤身壇北  
望千秋聖澤海東留  
無陽豈是眞天理  
來復將從外  
九州寄語青丘論  
道者扶經只在識尊周

輓族大父蒙窩翁

桂河

人生叔季方有古人風難其人方我於公得稟受之  
厚方氣質本義學問之博方造詣篤行敦孝友方人  
無間言名著遠近方已常謙勅善人之善方如佩蘭  
蕙惡人之惡方若在苙棘舉止雍容方可睹骨次瀝  
落議論安詳方方知中心實德人間顯晦何足累心  
方壺月襟期堪做東岡之遊息疇誨經文方引余開  
戶為錫丹書方俾我生色生安沒寧方終始無愧送  
公靈輶方哀淚沾臆寄語後昆方欲識我公盍焉觀  
夫伽水清方伽山則方

輓察訪李公 在嵩

才通公輔老郵官行篤言諄志亦寬塵寰一蹴朝天  
去空使餘生涕泗沍

輓三從曾大父老圃公 衡重

二老吾家位望尊起居相近樂荒墳家傳詩禮人多  
仰分穩清寒德有源 二句缺

輓淵西鄭公 壘

好是溫仁長者矜更從眉宇識真心詩得家庭精且  
熟淵西今夜月沉仁

輓鄭審元 大末

吾州高士已云仙鄉里相逢共怛然志行有能承舊業文詞更見煥遺篇行將後輩爲模範誰識中宵失柁船十世相傳門戶重歎吟賢政儘堪憐

輓張新齋省伯

錫愚

妙年相識許儒珍剩得英華迥出倫  
識格九天光世表惠宣一郡頌與人却憐後輩疇  
模範忍見仙翁遽窅窅踽涼病情嗟未展高岡宿草黯輕塵

輓李寒臬周老

早從林下老拈閒綠髮相成白髮顏  
休說門間蓮倚桂每欽風致水兼山  
心無表襮溫如玉語不鉅鋒體

似環一趁秋宵言外意濡毫寫出山湧潛仁

輓尹德載

窮居罕接好人襟幸識賢公歲暮心隔溪瀟浪消  
仁水寄向泉臺萬丈溪

輓李德能

以素

哭公才望出羣芳售世宜看輔國光十年綸帳經綸  
業八字丹旌入帝鄉

輓金叅奉

相洛

喬木名花次第開當時屬望濟川才平生不識齊塘  
路一命猶榮有隕來

輓族大父松雲公

明海

七尺身長德以容衣冠淳朴又謙恭早知直截南山  
竹晚托貞高北嶽松閱世阿諛言則慨奉先追孝禮  
動宗幾年孤露餘生淚忍灑霜前馬鬣封

輓族叔

達翰丈

問公此去向何之臨流空歎無回期吾輩餘生靡所  
仰入問驅馬緬長思

輓朴松石

履坦

公昔山軒揭萬松百年春雨養真容孝純已覩無  
量栢才抱那知大宛筇生來志業知安宅老去功名

出泮宮六十風霜鳴大壑滿山九草亦哀同

輓李益如

處士家中又處士遺風專在鍊精金早從尚志搜  
真境晚就賢師得頂鍼老寄鵝湖青荻許終歸狐首  
白雲陰百年鄉井同盟淚爲灑東風越鳥林

輓定齋柳公

致明

同省曾聞盛德儀恨無私分講吾羹仁聲遠播蒞關  
日義理重明竄海時功傳賢哲淵源學壽亭耄期  
聖世禧兩度書中欽想久今焉空作九泉悲

輓黃守窩公弼

與人恭而禮海內皆雅瑟况兼姻兄弟情常又加密  
以余不佞人令子托尊室那堪爲客肅上下有七八  
居然數十載經歷難盡說欽公天姿義生長種德際  
叔季人多窄凝然志常豁詒熙主安靜動止要常律  
忠信稱鄉黨孝友孚相聞從遊多觀感厚重近來訥  
宜享福無疆中何見嗣絕攝養非失計難免有命脉  
嗟惜誠無奈紙上空泚筆愧我還多病一未執手話  
因此論世崇堪嘆寒熱歎今焉朝天去人間稱八耄  
地藏摧高木玉峰映殘月交際今幾人堪覺風花瞥  
萬事今已矣餘豈獨全活紅流冷泉事誰能愛爾佛

十世傳宗重胃孫能繼述浩然應瞑目餘慶豈有竭  
留世瘡廢客又失臨壙訣寶峴山疑二荒詞助執紼  
故人多在洛江東來而歡去而思宇宙中間幾男兒  
多喫風霜苦獲垂甲辰雌

輓朴晚睡不鄉

各在衰年病又侵每憐雲樹自同吟詩章務要唐人  
語攻葉愈精楚客音于友吾欽松石趣嘉謨人帶菊  
蘭陰爲期晚睡歸何地所以朋儕惜

缺  
淚

輓金活源孟庸

吳誠

州南三聖山逶迤清且律鍾毓多賢才我公比類出  
語嘿常慎重容止每謹秘居家篤恩義行已等文質  
孝友傳家謨詞章合時鑑早年登庠日衆望非此尼  
與我世相好交際兼嫻軼出入宜相隨禮肅情欲密  
昔在晴院會進退惟公律嚮雖不及古衆實同其  
秘淵下泉及鰲誰與歸老佚前失寒臯友今又活源  
匹世事真如此次第吾歸一回首天漠々斜陽  
淚泉泌

輓金聖寬

赤松仙老又云仙生害稱仙死害仙生無俗累宜無

愧死亦歸全不悖仙

輓金公 俊燁

罪躬多積七旬非  
父同年世所稀  
始識仙顏纔未  
歲昊天思淚擬公揮

海菴先生文集卷之一

海庵先生文集卷之二

書

上定齋柳公

永祿僻在下鄉足不到賢士大夫之間猶伏聞令丈  
向在通班恪致憂國之誠退歸田里益勤講學之功  
而於引進後學左不倦憚英材豪傑日乾門庭或培  
或灌各適其材大少遠近無不誠服焉吾嶺中一大  
方家竊以謂中古儒賢未有盛於陶山而流派脉絡  
久久不絕至平愚山猗歟為一世之師表今令丈又  
其庶幾矣第恨地步既窄病又繁身無路自致於屏

幃之間參聽長者之至論開發我幾十年山積之鄙  
吝徒切傾仰下風而已伏不審霜寒令候道體珍重  
否永祿半生嬰病減却精神內乏自進之力外失良  
箴之益如是悠仁豈其有一分好箇消息耶天放所  
得只是一面鄒山數頃烟霞而已外此瑣屑何定仰  
溷崇聽如賜眷恤只在嘿會

上定齋柳公

時謫居智島

承覆德音蓋亦有年矣尋常下忱今豈暇言自聞高  
旆之過嶺欽艷景仰豈徒爲長者行李之利涉也大  
義一倡遠近風動雖不能格感天心其爲網紀者大

矣竊伏念定力有素神明所扶旅中道體以時康健  
素位而行何處不得是所區區遠慰之萬仁詠祿年  
前自海晏歸頓故里之傍去來之間徒費無限精力  
居然齒髮搖落自不免窮廬之嘆何足遠溷宗聽近  
聞嶺疏已至伏閣而其間下落無由得聞甚訝然嶺  
中士論病在不一隨事闊發及到今日竝失外禦恐  
不成義理良可歎也伏念海上風氣與陸自別幸節  
飲食慎起居一擬涪州故事則精義所到豈有虧欠  
時耶切祝仁仁

答申方伯

錫愚

永祿白即日拜承下書盤手伏讀不勝惶感謹審高  
秋視篆候萬安當公務公擾之餘慨然有興復舊規  
勸進後學之教遐鄉陋儒足可見三代之遺法是何  
等盛舉何等美事耶但招賢之舉謬及無似是想先  
於隗者非賢隗也欲求賢於隗者耳然祿也學業亦  
未必爲今日之隗也且命道崎薄十數年來奄哭二  
子將以今十八日埋窆所以無復有意於平日所好  
的事杜門思過以彌餘疚自顧所處烏敢出首於多  
士叢裏耶伏願下諒千萬

上鄭兵使

恭東

頃於辛丑年間傳聞令公丁憂不勝驚惶道憂身病  
未克匍匐嘗得見京居由遠模裁付唁書而每一念  
未嘗不往來於軒屏之間矣何幸今者令公按節南  
下家季委拜路次歸語令公神觀肌膚老而不損是  
知天降將才稟質出羣爲之抃賀萬萬未審莅任後  
令候更若何古人有云居官之職任大則政煩明斷  
則事簡處此高大煩簡亦復何如仰濤無任永祿五  
六年前并經重病皮毛樣子已作別人矣復何有意  
於昔日營口地况味耶外此瑣屑無足仰溷適因轉  
禡略伸候儀

上鄭兵使

賢閤淑夫人練祥已過而竟不克一吊悲愧萬亡未  
審霜令氣候神相萬衛允哀亦支度否榮養不終尤  
爲之悲溯無已永祿家禍荐酷今年正月又哭仲子  
不但其年可慘其才學庶可爲門戶之望奄至此境  
七旬病夫宜死不死禍迄無辜宵晝溪堂形影相吊  
茫茫天地間只做未死前一塊廢物耳聞尊堂內有  
文任一員今居城外云其資給至拮何地區亡瞻仰  
竝不自己也適因李戚便草草以付不宣

上參判姜公

世倫

永祿不幸出晚居又脩養未曾有一番承誨今幸自  
托姻婭之末屢承書教實爲佩服頃於醮時雪塞路  
忙不即候謁不審窮寒台候氣力萬康否永祿荷眷  
依遣豚兒亦無病私幸新婦見其儀容極合所望先  
人之嗣自此有傳寒門之幸孰加於此邪但其染癘  
未愈日寒如此私情慮念未嘗會間弛也頃時與寢  
卽丈數宵奉話伏聞貴門傾出宗物以賑窮親敦睦  
之道固當如是爲之健羨萬萬

上吳明府

顯相

永祿白永祿孤陋寡聞僻在下土年至半生人無知

者迺者特賜垂問今又因小吏伏承嘉誨驚遑感悚  
罔知爲諭仍伏審窮寒政軒氣體萬安伏想割雞之  
餘必有水到船浮之勝而實非小人之腹所可料測  
者矣永祿自幼至壯內失賢訓外乏良箴至於尋常  
做人之方每患僮侗地過了古人所謂年進學退可  
懼可歎奈何奈何聖人有言居是邦也友其士之仁  
者事其大夫之賢者居今土之仁者旣不得見大夫  
之賢者亦未易得何幸閣下以宿德大儒蒞茲有年  
雖在糴政紛汨之中仁民愛士之意遂及無似其在  
感頌之地非不欲種種候謁而官民分嚴進退有關

故竟不得遂良可歎也

答金明府

在獻

永祿窮居草野未嘗事大夫之賢者何幸賢侯下車  
沐浴清化每與山民野叟相頌相慶望外垂問不勝  
惶恐謹審至泣視象體事萬重實慰下忱永祿猷猷  
光陰已迫七旬而無一善可道於人者無足仰溷崇  
聽枉臨之教何敢當何敢當揆以道理即當候謁以  
謝不鄙之下念而長時病情難以趁辨容俟早晏為  
計

上金公

幼善

永祿無狀年十三已失怙恃先君之儀範猶不能了  
了記憶况先君之同年同志相與友善者其何能及  
知哉所以環道內講世分者其鮮惟我執事先生獨  
以先君幼馬舊契壽康八旬膝下號仁此稀世之福  
顧此孤露早縈疾厄不能一番伺謁以續先分內自  
悚恨幸於月前因姪兒醮行宴承眷誨歸伏山广追  
思先君遊嬉渭陽時蓋與執事先生同孟同寢以至  
壯年道義契浹鄙家衰替古事無憑慨廓莫逮徒切  
嚮邈之忱伏問比日雨暘不調軀事無愆區區功祝  
頃見令胤兄已是場屋間老舉子而令或秀才妙齡

新進志尚極好想勉勉於斯學矣永祿彼時自外宅  
直向梅湖女家一宿旋歸蓋拘於世故之不得已者  
然私心景仰以爲早晏更圖一進穩承嘉誨以盡向  
時未伸底懷而素來病喘亦未敢的指何時也惟伏  
祝願養康健

上疎庵李公

寬睦

伏惟比來靜養體事康衛永祿陰雨所傷冷泄猝從  
沉沉若無復振氣未知鄧聖養浩氣之日元無此等  
病崇否後輩虛薄血氣每因病崇而頓減工夫每緣  
世故而間斷憂懼奈何尊詩既承聯步之教而沉痾

之餘辭旨益拙僅步三絕伏呈極爲愧悚覽可覆  
否

答疎庵李公

下示理氣辨四七辭伏讀累回仰賀願耄之精力不  
衰且感不鄙此愚引與商論耳然世之所謂四端七  
情論者各執已見紛紛說去終不歸宿則豈以膚見  
蔑識乃敢開喙於其間徒惹無事中生事耶所以永  
祿平生只守內不出之訓而無向人道者也今承各  
以已意條辨送來之教似此眷眷之意足以感悟而  
起懶敢不罄竭其所有耶茲敢依教列書附以已意

隨誤隨誨則自不憚改也

動之靜之者理也所動所靜氣也

動之靜之者理也此句則意極好矣而所動所靜云者似不明快若改以能動能靜者氣也云爾則未知何如

理主乎氣故氣行乎理

氣行乎理似不明快若改謂氣行而理便行云爾則未知何如

主所本而言則四七皆是理發主所發而言則四七皆是氣發主所本則純善主所發則兼善惡

夫四端七情之說世之論者多矣豈可容易說破這  
般義理耶先儒於四端謂之理發者非謂四端發時  
無是氣也於七情謂之氣發者非謂七情發時無是  
理也四端者感物之初而纔有於性命故去源不遠  
而理分數多氣不至用事故四端者全其理而純善  
無惡所謂理發也七情者應物之始而著於行事故  
去源差間而氣事愈強理不得全主故七情者駁於  
氣而善惡雜所謂氣發也非謂理氣相先後發也若  
只舉其發處而言則能發者氣也所以發者理也豈  
可分言於四端七情耶來教之言主野本主所發似

不著當

四端主所本而言故無不善若主所發而言則亦有中節不中節所謂當惻隱不當惻隱之類是也惻隱生於形氣之私者人心也生於性命之正者道心也

四端者感物之初故謂之端其端其微已感於內而未著於物如一陽初動處萬物未生時也此時豈有中不中之可言耶夫志也意也同一心之所發而張子曰志公而意私志剛而意柔者抑何哉志是心之所之而一直去底故公而無私意是志之經營謀度

故或陷於私四端如志之一直去底而只是感物之  
端而已故純善無惡七情如意之經營謀度而即爲  
應物之始故或中或不中然則中節不中節言於七  
情則可言於惻隱則不可惻隱豈有不當惻隱而惻  
隱者哉所謂不當惻隱者溺於愛過於哀之類邪既  
謂之不當惻隱云爾則已是七情中物事非是四端  
中面目夫惻隱之理仁也仁之端惻隱也仁爲性命  
惻隱則爲形氣者寧有是理邪大抵四端與七情非  
是截然兩頭物事也四端只是七情之苗脉而七情  
只是四端之條幹也來教每以四端看作七情之列

而根幹無別故煞與鄙意矛盾然鄙論亦安知其至當耶更加教誨之

喜怒之生於形氣者人心也原於性命者道心也先儒嘗云人心之得其中者道心又曰道心乃人心之理也喜怒之得中者孰不曰道心耶然但究其所自來則只是生於形氣者非原於性命者也若使喜怒謂之原於性命則直與四端同一闕候豈更有中不中之可言邪喜怒哀雖生於形氣發皆中節則形氣不害為性命人心不害為道心更詳之如何

答陳菴李公

伏承審靜頤候神相伏慰以夫子天縱之聖尚云不復夢周公則是乃日暮之歎而至若從心所欲則無乃此時節邪血氣有時而衰道體無時而窮末由之教恐非獎後學引後進之訓也未知如何下示諸條近有進候之誅當面稟以承教誨耳至若圖辨本質送彼之教不勝駭惶愧窘當初圖說辨解出於長者手而不鄙其愚投而示之又有逐條辨示之教故荷此厚眷必以已意略陳其說意謂長者可者取之不可者去之別為圖解播及扞役則於彼有尊信之道於我無訐直之嫌故不量已力有此敢言之失矣今

承教意長者則以僭妄二字譴退不售居而只以本質文字投以送之則在此獨不爲僭妄耶吾於金友語其分則討出心肝無所隱諱而至若此事初無彼此往復之端而轉轉窺覷發此把攬牽合之說名之爲辨解云者世豈有如此好事者事乎若以本質投去一傳再傳人皆爲是拉祿固不爲榮况未必是乎祿之今日所自爲者偃仰山丘嘯歌古人苟有所知知而置之如有不知以不知而置之知不知間行所無事忽承長者眷恤叩試有無俯取荒拙之辭因以爲實有之事投諸遠方張大其事者雖出於愛我而

未必爲知我之實矣韓公時謂知己之難遇者固如是乎願乞所謂本質云者即爲付丙更勿煩人耳目千萬千萬

上雨坪黃公

麟老

伏聞携書燭溫扞白華山房遙想泉聲岳色之間靈源自活探礦鉤深當倍蓰於家居忍擾之時矣區區不任欽仰姨母氏所托謹送仵致獻未知能適扞用耶栗里外從君如何遣活母念其零丁孤苦只切矜憐近來必有著述之美母惜授示以開蒙吝伏望往時所論鬼神之理姪欲鋪排爲說早晚成書則謹當

乾質括軒下耳

上素窩李公

存淵

日前承誨迄今感頌伏不審客中體事若何所謂中庸名編之義教意既勤故歸而求之則中字之含未發已發義云者只得箇即用推體之意而已朱子釋此云名篇本是取時中之中然所以能時中者蓋有那未發之中在爾所以先說未發之中然後說君子之時中此乃所謂名篇之首要也蓋嘗推此而究之庸字只是那中字之影子耳日用之間得其中焉則自無怪異詭譎之事矣既無怪異詭譎之事則乃所

謂平常之事而平常者又為天下之定理也是知庸  
者中字之影子而中者庸字之面目也中字之外更  
何說破庸字之義也是故其下諸章更不釋庸字者  
庸字之義已在於中字內故也夫子庸言之謹庸行  
之愼者自其日用時中之義而乃取以變和言庸也  
然則中庸之中獨兼二義者只不過即用推體而非  
以庸字為別般意也明矣至若致曲字雖曰一偏其  
所偏處非不好也如孟子所謂充無欲害仁之心仁  
不可勝用充無穿窬之心義不可勝用無欲害人之  
心乃其氣質溫厚者之偏處也其於溫厚處而推致

之則曲能有誠之謂也無穿窬之心乃其氣質剛毅者之偏處也於其剛毅處而推致之則曲亦有誠之謂也因其發見處而推致其極故旣曰曲而又曰致也若使曲字將作不好看則何用推而致之而又言有誠也大抵善亦有偏伯夷柳惠之清和非不善矣而終未免偏也則訓詁之偏字初非不好之謂也茲以拜告未知如何

與煥叔二如翁

聞翰

承誨已久懷常耿悵伏問靜養康福詠祿眼病見苦且爲難復所迫塊坐村末消遣甚艱茲念先集校正

尚未舉行且聞曾集於永慕齋捨遠取近便則便矣  
若校正文字則似不若取靜僻專心思以盡誠力永  
慕齋迎送頻數消日似好而無益於本事愚意莫如  
院中未知如何祿當進參其末回教千萬

與東泉文公

正儒

伏惟願養體事萬重永祿杜門退縮無一可聞而種  
種憂虞糜爛我好箇田地隨得隨失終未有到泊時  
日中夜思之不覺愧怍奈何竊伏想靜裏探玩已經  
此般多小路頭矣其行過之地未知夫艱闢而難越  
者幾層深廣而難涉者又幾丈自初坦然如禹行水

非時敢言而才劣學淺進寸退尺良可嘆也每欲一  
進軒屏亦不易得徒增瞻仰而已

與李周老

社塾穩討宜無餘蘊而歸后瞻詠還復自如老去人  
情固皆如是未審仲夏棣軒動止連衛否向會所講  
禮說特荷不外略以膚見仰復然猶不自信歸而更  
考尹明齋以下諸君子皆有許行所后禪之明文後  
生末學更無疑難而至若吉祭說曰何以私喪廢却  
所重應行節次邪蓋以私服廢重節固時未安故云  
然更以膚見思之恐或有未盡然者禪祭與吉祭然

有其別禫乃喪餘之禮而過時不可行之祭也吉乃純吉之謂而或有故退行亦未爲不可也不可復者而先施之乃禮家本意也况以本生之私服廢所後家不可復之祭者極爲未安果如諸君子之論也至若吉祭則雖有故退行無過時不祭之嫌且孝子之喪禮雖畢每扞即吉之地自有所不忍舉之意也故周人卒哭而祔盖取亾親之靈不忍一日無所歸之意也此則爲死者之心也殷人朞而祔盖取不忍死其親之意也此則爲生者之心也爲死爲生同是聖人所制而孔子旣善殷則孝子之處心亦不可不觀

夫吉祭者亡親入廟遠祖當祧當此之時孝子之情  
豈其忍乎以其所不忍之事少爲退行不過乎般人  
菽水之意也况孝子之身既有衰麻之服雖渠私喪  
而不忍之情豈有本生所後之異乎祭何以容可退  
行之吉祭遽奪其不忍之情耶過時不祭之禫當從  
所後之重可矣退時可行之吉祭少寬孝子之私亦  
庶合乎權宜之道也若以本生之服不管所後之重  
而一一抑壓則吾恐以孝傷孝大非人情之常理也  
經曰君子以禮飾情以衰麻之心一一即吉於所後  
之家則表裏兩截吉凶相襲焉在其禮以飾情耶愚

見退行吉系於本生斷制之後以墨冠白衣行事似  
不悖於參酌之義矣未知何如此等說實非末學膚  
見之所可與言而老兄之教適及於此但以所後之  
重依例舉行云云終覺未安故書以奉告姑以就正  
於老兄之高明非欲使人依此必行也如有未安處  
更賜指教之千萬

與張省伯

仲春奉令從姪詢審安報而因事急擾未修候儀伏  
問此時起居何如何者客苦已屬過去無足提說而  
聞篤志勵行不以羈旅而廢者讀可謂無負平日明

友之望永祿年前病崇精力漸耗於細密處或多放  
過如是而安有就緒之望哉可懼可悶伏聞先先生  
文康公續集方營刊云實爲后生之福但未知言行  
錄及附錄等書依例收拾更無遺漏之恨耶鄙徬先  
梅窩翁遺集中有祭文又有論學問目五六條此皆  
緊要不可闕者也其中又有欲窮千里目更上一層  
樓之訓蓋明示進步躋逕等級之意雖使諷詠於百  
世之下旨意通暢親切有味晚唐詩人豈能識此意  
思邪昔香山有詩云野火燒不盡春風吹又生朱夫  
子取而言學者用工處香山豈能識此意惠耶此皆

先賢托物寓意易曉人處也今梅窩曹孫抄此齋去  
望須諒裁無使見漏

與張省伯

所居淡僻久不聞外間消息獲奉令胤見訪叩審曩  
時大概邇來旅候更若何前夏見李兄聖希云老兄  
有恩命行旆已登道其後未幾又聞貶在公州人  
世間得失固如是耶自古名宦例多此患竊念老兄  
平日見道明白隨遇隨安想有十分好箇道理是則  
知舊町爲慰也永祿年來病狀轉尋衰謝精神志力  
漸却放下小小収拾多不免濶略病敗思與老兄相

聚觀感警光臨當不細不幸所處如此又何可得也不  
勝惆悵未知蒙 宥正在何時耶節飲食慎起居  
以副遠望也草草修書以付令胤不宣

答黃公弼

示來禮說不得不略陳膚見蓋一日不再祭古禮有  
據立齋先生所謂煩瀆者蓋其本意也晦齋同春之  
說家廟行參禮上墓行奠禮雖一日之內廟墓之野  
處不同故云耳如在廟則拜廟在墓則拜墓之意也  
何可以俄拜廟而不拜墓者乎以此說援之於忌與  
參似失本意也明齋曰一日之間既行忌又行參實

是煩瀆既祭之位則不復設諸位皆設而猶不設雖似不安既纔祭矣似無所嫌此說更何如也永祿前日果遇此事只爲姑息變通之者無足可說而今見明齋所記未必大端謬妄耶然以已意之先入何敢遽然爲是如有可采隨便更示以破此愚幸甚

與黃公弼

積雪釀寒不審此時靜候何如彼時返旆未滿一日天適大雪竊想御者留滯於仁茶等地行李之間關不見可圖老人筋力能無致欠於衝寒邪種種仰溯無任永祿月前妄作江左吊慰之行逢寒外傷長在

呻吟可笑丈夫一身老則無奈自古英雄豪傑其能  
無憾於此者幾人邪浩嘆婦阿無病穩過其持身處  
事益覺法家之教幸不可量也于歸后送伴探候  
自是渠道理而日寒甚酷亦不能如渠誠意夫家之  
過也愧汗愧汗

答金孟庸

吳說

前者惠覆不勝感服謹審雪威稍減氣力萬衛仰慰  
道刻之示永祿年已洽七旬矣以鈍根之資真處君平  
之世邁往之氣已衰謀道之念又退弓臥寒齋病又  
侵陵只做未死一物復何敢覬世間榮利哉第念一

種可憂者近世學問於理於氣偏論太過其將聖賢  
論道之旨轉亡沉塞子思子失傳之憂儘是後輩之  
惶恐處奈何奈何

答金孟庸

久蟄病骨一出盤礴多費數旬而歸見尊書已留塵  
案伏讀再四恍若合席論襟但無便稽謝爲恨或卽  
來又承荐存多荷不較謹審履茲體事康健爲慰永  
祿去月念間自南岡轉向密州南樓三江諸勝盡爲  
我物而此皆城市也藥山仙窟爲兩軒戲畢竟塵債  
而返是知塵垢未盡有此魔障可愧社熟講會實吾

輩老境勝事浦上令已有發又措畫之方歸而思之  
大抵設講問答有諸已然后方可求諸人今無一分  
有諸已而乃欲十分求諸人者誠妄矣所以諸論不  
洽然無或怪也約會之日當以濁醪數碗茶湯一甌  
徘徊於武屹青庵之間歌窈窕一章浪吟而返亦足  
以泄其志而無愧矣與我進退者惟執事是已未知  
如何

與李凝窩周賢

源粹

嘗聞世之從執事遊者慕而悅之皆稱登瀛洲也今  
又自蓬萊陞除瀛洲萃軒將指日啓程海上三山今

得有其二矣如執事者儘不負仙緣而亦不孤衆所  
望也永祿塵白滾汨足不出伽山之外行年又近五  
十雖欲往躡仙境彼蓬萊瀛洲豈肯爲我一開顏也  
只自浩歎而已舩路濶遠海颶壯猛又其土風自別  
節飲食慎起居待客相握是望不宣

與李凝窩

歲末與伯眉丈多日穩承此誠老年不易得事也第  
念令公既退田里內有書冊之娛外有溪山之樂非  
如閒散輩高尙其名無用於世者之所爲也古人云  
學必講而後明又曰君子莫大乎與人爲善此非嘉

予之所務邪祿前春妄與一二同志有會講之議而社塾物力甚薄若與育所合力則庶可供數日之費而大抵此會在吾鄉數百年未有之事鄉隣士友只是尋章摘句之是勉而未有講磨義理以續夫前人之緒至此鄉風質仁實為識者之恨久今令公幸當育英之丈席一番講會正合其時開月望間來臨淵上通告四面以定期日則事可諧矣未知盛意何如也曾扞居索中畫井田圖一本與友人相為問答仍為篋笥中棄物矣如奉經綸君子則當質其可否而未易得也竊想令公累經字牧地理風土暗練裁制

非俗儒蔑識者比也茲以奉呈隨暇一覽評其可否  
以開愚瞢之見則甚幸此雖文房冷談亦或講明中  
一事也如何如何

答李凝窩

續承華翰此在山亭時所出書優遊山水與一二同  
志溫理古書何寺勝事邪永祿長時憤口展眉無日  
苦憐何極山亭一會之教身有泄症有意未遂多負  
眷厚愧恨無已今又承聖圖之示令公之為知舊繼  
緒若是其至敢不樂赴而實故所拘似不諧意自知  
仙界水石本非俗輩所可希覬或者丙之進竿步洗滌

塵衿如光風霽月然後庶却一圖否六旬病骨又當  
大無之歲塵愁惱人措大事甚可愧窘聞令旆有臨  
鰲院之期未知的在何間伽水之上有舊交樊廬在  
令公能喫粥否半日承款切企坊企講說屢加梳洗  
終不滿意大抵答問如扣洪鍾叩之大則其應大叩  
之小則其應小且程朱大賢不能無初晚之別况吾  
輩會話只取一日相與之樂豈一一中理哉當日事  
實無論彼此錄而書之而已有何梳洗以適意邪社  
塾會話之示誠極美事但物論未可知惟在他日面  
悉講話反復之教猥不敢當而第有一條與汝雷未

盡說破者故別爲錄呈指教之幸甚

別紙

其中動而七情出焉夫動之之前只是中而已不  
得不曰性也故曰中者理也既感而動則所以動  
之者理也能動者氣也故曰動者氣也氣才動而  
理必乘焉故曰性發爲情所以發之者性也能發  
者情也故曰七情出焉蓋未動之前氣根於理已  
動之後理乘於氣故氣廢則理亦廢氣粹則理亦  
粹氣大則理亦大氣小則理亦小理之用事專靠於  
氣故看理者每於氣上看論理者每於氣上論今

曰理動而氣夾之有若理自內而動氣自外而夾  
似有夾助倚扶之嫌故吾之前所謂糊塗云者蓋  
欲示其微意使自思之則以汝雷之見識才器患  
必得之之故也今見令公之論亦曰不可爲非則  
吾恐家庭耳目或誤我汝雷不得不卞焉令公其  
庶擇之否

答李凝窩

所示諸說奉悉行者雖馬而行之者人也發者雖氣  
而發之者理也此誠理到語也孰敢曰非也但馬之  
橫逸人將西而馬反東人將東而馬反西則何不正

其鑿而揚其鉗回之以大途策之以正軌之東之西  
使之從人意而徒隨馬后如死屍邪吾人做工夫正  
在扞此耳書中一邊之語恐未必然也入抵黨論有  
義理義理無黨論苟有至當至正之義理何必拘於  
古今也又何必泥於彼此而置嫌於一邊之相似也  
只今吾腦中勿有此一邊彼一邊相較然后廓然可  
覩十分之義理也令公每有嫌介於此無或近於大  
學耶謂有所之病也耶汝雷町引黃說在其答條中  
俯以覽見觀以令公之明必有份且意耳

答李凝窩

即拜惠書感服無量謹密令候萬福仰慰仰慰永祿  
長時吟病無足奉論文義異同之下勢所難免而大  
槩各有門戶以太極動靜者而言只是氣發理乘一  
事而已未有理發氣隨雙關語也及到四七論有理  
發氣發之說出自語錄廣錄中所載也其後退陶始  
信用之蓋四端純善故主理而言理發七情或駁故  
主氣而言氣發從其四七之面目而不得不然者也  
今所論非四七而役以言氣發則此以言理發彼以  
言理發則此以言氣發有若迷藏之戲焉所以紛紛  
萬端未有歸一之勢而太極四七汨董無別太極亦

有理發時氣發時耶理動氣夾亦爲四七說邪勉齋  
之意愚未敢知也互相弦韋教意甚厚但吾兩人孰爲  
弦孰爲韋耶社塾之會非但一晤之爲可樂敦出契  
任在野不已而鄙家夫日在今十四伊前出遊甚不  
自安故前以秋後未寒表告矣今聞西行將不遠云  
其勢不得不返旆後更圖矣惟冀行李利稅

答李凝窩別紙

中庸疑義

人心道心先人心而後道心以主乎人而言猶韋  
句之先言氣以成形而後言理亦賦焉也

愚謂先人心後道心者無他人心者道心之掛搭處

人

也若無人心則道心無所付麗而不得以自行故所以先言心歟

中庸字義程朱解說各異蓋中有二義未發之中爲體時中之中爲用不偏不倚指未發而言也無過不及指已發而言也程子不偏之訓雖無二義而不如朱子說之圓滿且以偏倚言之偏則如物或偏於東偏於西失其正位倚則或倚於此倚於彼失其本體必兼言而後義始備不易之謂庸是亘古今不可變易之義而惟其平常故可以不易若非常則不可久矣

愚謂程子只言不偏之謂中而朱子加言不倚二字則其意尤備蓋不偏於東不偏於西則自有不東不西之中正所謂大本之中也然於其中亦或有欲倚之失故夫子嘗言中立而不倚夫處中而又著不倚然後方不失處中之中矣程子之言不偏夫子所謂中立之地也朱子之加言不倚夫子所謂不倚之謂也取以不偏之下又著不倚字然後名篇之義無有餘蘊矣至若庸字之義我只是平常也中故平常也中字之外更別無平常之義而正道也定理也故謂之不易耳

氣以成形理亦賦焉或疑先言氣後言理上者亦  
字有若理氣是二物而真箇有先後蓋釋天命賦  
予之性而從頭推下之說文勢自不得不然且起  
頭一天字即理也烏可曰先言氣後言理也權清  
臺集中有此說初以亦字爲疑欲改以卽字看後  
乃覺其誤曰如此則真有一物之嫌章句果金桴  
補出也

愚謂理氣元來分明是一物而權清臺二物之嫌云  
云何也欲以卽換亦則似不照管亦字意也以理氣  
之序而言則理先於氣以生物之序而言則氣先於

理故曰氣以成形理亦賦焉而纔著是氣便有是理  
相先后不得故曰理亦賦焉亦字有一時同賦之意  
今若攖著卽字則便有先后之差問爲乎可也後乃  
覺其誤則固善而但以二物爲嫌則恐未知如何理  
氣不可合爲一物賦予不可分爲先後也

健順五常朱子曰既有陰陽添此二字始得蓋五  
行之所以爲五行以其有二氣也舍健順而說五  
常不得率性之釋直曰人物各循其自然語意圓  
滿不可以所稟之偏全而有疑於本原之或二也  
愚謂陰陽五行以氣言也健順五常以理言也人之

生則全具健順五常之理物之生則得健順五常之  
偏馬健牛順虎仁蜂義之各通一路是也

與鄭孟剛

素際未易居常暗悵永祿居索累年草木箇光陰已  
四十年矣自今以往至于老死不知其有幾箇歲月  
而亦難免其忽亡虛度耳是誠可懼執事以才智之  
明聞見之博初非似此淺陋之所可比其爲進步之  
地必不草亡矣仰爲之欽歎無已抑有所可慨於心  
者凡我同井之與我同志者不知其幾人而各守其  
穴互相爲高旣無源仁之好又無坊仁之益實與古

人輔仁之意相去遠矣此誠窮鄉之瀛風非復昔日  
兩先生敦厚之善俗近聞道伯仲勅各邑務令講學  
十寒一曝未易其效而不亦猶賢乎已者耶因又自  
患祿以窮居打乖底一物年至半百無一善可道若  
與高明賢友會合一座以平日所得捫心者質其可  
否資其淺深則雖不敢以古君子講道目之而亦足  
以消磨鄙吝又不害爲敦親厚交之道矣未知感意  
果何如會集之所不必他走社塾尙無恙小子後生  
捨此何適與令從氏相議以教坊企

與李皓歌

秋天冷霖令人生病况老人筋力乎所以瞻仰尤不  
勝已也前者所仰會事竟爲雨戲以至退定想已登  
照矣大抵吾輩衰年一會不可不謂好事而世故之  
外又不免風雨之戲嘿數平生經歷補心滿意事幾  
何天晴日朗時又幾何虛喫無限風霜居然作七旬  
人誠極可嘆陽月五日風不寒雨不迷之序也薄綿  
涼衽固不下於暮春之服飲後鼓樂亦不讓於曾點  
之瑟但此等風致非執事誰能當之耶事過之後須  
使星鄉後進永有辭於來世豈不美哉

與李進士壽敏

永祿於執事忝在戚黨之列少壯已違其面目及老  
且衰病又縈身蜩縮山廣遠近出入已屬之往事者  
久矣惟是一端思念有時或及於吾曾王母生長之  
地而曾不識山川之形勝道里之遠近雖欲做一夢  
亦難矣何歎如之伏聞通時靜候動止何如堂內老  
少全不記誰某自覺慷慨瞻悵之至永祿年今五十  
有六不冝甚衰而質虛多病前歲不幸見長子之慘  
賴而爲命者只有一箇弱孫耳仲弟已死於十數年  
前而有二子守門戶季弟鰥居十年而幸有三子從  
弟年今五十有餘身亦老矣無子可繼生庭祀事將

不知何如耳大率吾曾王母后孫只若爾人而孤露  
餘生學術空疎以下子姪輩又無賢父兄教訓安保  
其不墜家聲耶此吾家近日大槩也如執事之爲吾  
曾王母念者必欲聞知故如是瑣亡耳伏聞清涼山  
下等講學之室以爲春秋臧會云此正白鹿洞後第  
一勝事顧此病喘何由致身於此仰覩清光邪身伏  
樊籠不能奮飛只自浩嘆而已

答孫興汝

承有繩鉤消日之語此正措大閒適無憂底氣儼然  
天放野逸不合止此木食澗飲筋骨尚強勁著脊梁

溫理古書周遊上下數千載可觀可聞可笑可樂適  
情消遣奚比繩鉤而已哉然祿不自治乃敢語人何  
以異於耘人之田而五載病骨又添下血之症今夏  
一朔幾至死自腰以下麻木不仁坐立起居尚不  
如人以此寄留安有一分好況也哉所以凡於文字  
上雖有小仁看省不為已物而驟散颺忽推念向者  
疆壯之時孰使而不動以此自悼撫躬咨嗟今見尊  
示敢此云云者固是祿之衷情攸發勿爲見咎幸甚

答鄭仲喬

壻

近日秋風漸高動止衛重曩在淵上夜而聯枕晝而

對榻又時以好說話此正吾輩半生來初得歸來充  
然尚不念于中也但其時承誨中有云妙字看作妙  
用之妙又曰體用雖兼較重用一邊在傍聽聞亦以  
尊誨爲好祿亦不敢質言者以其平日未嘗講究且  
有三人取二之義也歸又熟思妙兼體用之說似或  
近之而於妙字義亦恐未盡夫妙字本微妙之謂也  
而微妙者莫如理故先儒論理處每用妙字然則妙  
字只是形容理字之義也今若著用字則中庸所謂  
費也著體字則中庸所謂隱也形費處似不當著妙  
字獨拈隱處乃可著妙字故愚之謂兼體用說似不

著當於妙字義者也然而先儒有妙用說夫妙用云  
者妙嘗嘿具乎用之中也非用之便爲妙也如隱嘗  
嘿具乎賁之中也非賁之便爲隱也較重用一邊恐  
似未然也更詳之而回教之千萬

答鄭仲喬

承審惠覆指陳頗詳語言甚精可知老兄之所造高  
矣爲之栢悅萬仁況今黃花令節棣候神相永祿只  
是憤仁無足仰喻第所謂妙字之義愚之前日無體  
用說自謂未盡者非他也夫妙字只是微妙之謂也  
是故太極說云無極之真二五之精妙合而凝妙合

者合而無間之謂也示中妙不測妙用等引來諸說  
都是無極二五妙合中說也若非妙合之妙則何能  
爲神變不測之妙哉又何能爲體用之妙哉今以先  
儒所言妙合之妙論之妙字固可曰兼體用而亦似  
不可曰較重用邊者也妙字只是形容理字本來面  
目若曰言體一邊而用未嘗不具則可笑豈可言用  
一邊較重乎愚見如是故乃敢云仁而安知其是否  
惟在商量之如何如有未盡更回教之以破愚瞢

答鄭仲喬

前月捐獲拜陽月廿三日書有時興懷輒一展者儘

覺故人之時賜大矣妙字義屢承來教大槩是費處  
觀隱由用推體在意耳然下字之間不能無疑末端  
云以其可見之妙著於用而不顯於體故耳所謂可  
見之妙指何而為妙耶倘非指此理耶若云指理而  
言則費中之隱也烏可曰不見於體邪可見之妙便  
是體而已矣猶且言用邊較重者體可見於用之中  
而用不可見於體上故邠來教云流行是氣之妙也  
氣雖至精至微自是有形底物也烏可著以妙字乎  
妙字元來是理邊說以其至微而無形底莫如理故  
先儒之論理處每著妙字形容理之面目也來教云

妙合便是體用何必待妙合然後方可言氣體用乎  
此論極是但鄙說妙合然後之意非是昨日妙合而  
今始氣體用也妙合之前只是陰陽五行一體一用  
及在妙合然後方說氣字之謂也來教韻書註解神  
變不測即是本來字義也抑未知妙字上有甚造化  
而自爲神變不測耶天下之神變不測莫如理氣也  
理氣之外復豈有神變不測邪然吾輩今日之務不  
專在於妙字上也先正有言歲月易得義理難明但  
於日用之間隨處提撕此心勿令放逸而隨事觀理  
講求思索沉潛反復則漸見妙處便作大路然矣各

加勉旃無負桑榆如何如何或有問我而言者曰子  
年已迫七旬雖惜分陰餘景幾何遽出此易得難明  
之語邪余笑曰雖迫七旬工未到顏淵三十年之半  
矣其可以七旬畫之邪任重道遠先聖有訓老兄聞  
此語亦將發一笑而必不以我爲過矣旣不以爲過  
則老兄亦必有商量矣因書信筆不覺縷二劫勿爲  
外人道也

答鄭仲喬

國哀邦慶民無異情執事病山广無人相問即承惠存  
其爲感服豈徒尋常知舊問相訊而止也蒲幅辭旨

足令病夫心開目明謹審新元動止神相仰慰且賀  
永祿年來病情加損無常歲末重經丹毒幾危僅甦  
此後風眩之症種口闕發坐立間忽若雲霧中墮在  
蓋稟受之薄已無可言而所謂平日小仁見得每以  
不能透快自患今又添却此祟隨起隨沒旋得旋失  
安敢望無愧夫老兄之爲我道者哉只自浩嘆念祿  
無恙安閑之日莊誦不有前聖開蒙吝幾作人間小  
丈夫之句以爲前聖開蒙吝之功去益難忘而不作  
小丈夫則祿未敢自信復何暇提掖新進如老兄意  
也所論新進侵文之弊是名言然竊觀所謂尊德性

道問學兩句語偏廢不得者也惟此截而一之舉此  
遺彼象山實作俑矣以象山之才德猶有此一偏之  
累而遂至葱嶺之趣況其元來才德下於象山者耶  
偏於尊息性猶且不勝其弊况役文而無實者耶可  
恨可悶矯揉嚴防惕慮警發必如老兄之言然台庶  
幾挽回時人面目爾何幸何幸邵子有云人貴有精  
神有精神者多不醇夫以不醇之資急於聞道好為  
高談反多害事今聞老兄之言不勝感歎若以此提  
督學生回浮薄於平易朴實之頭挽幽曲於光明正  
大之地與之同享此樂豈不善哉豈不快哉惟冀老

兄十分慎重以副此望千萬千萬

與李乃弘濟來

曩者歷臨不勝感激而但景短未克穩討而遽別寂寥山广不覺惘然去留之情未知一般否近日雪事稍寒未審起居若何永祿原來野崇不淺而近又添得寒泄蒲柳形骸餘日幾何正當息心休養以盡餘年而瑣屑雜處於膝下之憂竊恐因此悠々不能脫了賤丈夫事矣奈何奈何頃時所囑想已領略隨便示及如何

答吳希魯

永祿索居山一病又縈身遠近知舊舊徒切懷想而止  
矣老兄不以無似而外之先施垂問蒲幅懇懇奉讀  
再三不勝感戰但辭旨往亡有過當處實非祿之所  
敢承當者自不覺愧窘無已伏審比來動止萬福永  
祿離索六七載屢經疾厄髮白齒落已不足惜而精  
神氣力隨症隨損無復昔日樣子更甚事有求於世  
哉只念天放野逸正合讀書神短才疎每多放下老  
兄所云窮廬之歎無乃同病之憐耶然老兄稟質堅  
確舊誦新得必不如此陋劣矣各屬遲暮之語讀之  
不覺惘然大抵吾輩今日流光易失衰狀難住而聞

道之工如是其類情吾不知夕死之日將何以無愧  
於心耶孟子所謂終身之憂者是耳只當如諸葛氏  
鞠躬盡力死而後已焉則庶或免曠漠中無知罔兩  
之鬼邪

答黃晉懋

永祿自弱冠出入貴鄉習聞執事之名而荆轲未遂  
恒劫瞻詠即因素里獲承正月二十日書滿幅嘉誨  
令人起敬罔知攸謝不審此時經候動止珍重玩履  
踐履之工日有佳趣否永祿家禍孔毒前春哭仲弟  
摧割之痛如何可勝示誨儘是吾家之指南問學之

要訣而至若艱難生受等語雖若泛言這裏之通患  
不有如此做到無以知艱難生受之病不知爲艱難  
生受之苦則亦無驗夫進步踐境此其所以躬親經  
歷有以造乎窮高之域者適發於簡牘言語之間如  
執事者眞不負大丈夫之事而亦無愧古人爲己之  
明訓也既以贊仰欽尚而旋愧自家之無得復何辭  
而奉瀆高明邪惟其質鈍曾無明師諒友之益見理  
未透又失流俗從事場屋遽然已十七八年矣其間  
顛頓狼貝不可勝言而隨處隨失如是盍浪置有這  
裏一分好箇消息邪況年來髮髮已白精力多耗看

書思索之間雖有小小領會而旋得旋失舊怨山積  
新得如烟奈何奈何仰惟執事早脫塵臼與工日淬  
有以發此傷時之意而兼問學者偏長之病議論親  
劫有味異日斯文之責執事其將有不得而辭者矣  
荔恨不得奉接清光徒切鄉望惟冀珍重勉勵

與黃晉懋

頃者湖南之旆聞已利稅往來平安何其壯哉老兄  
脚下元無高山險嶺否可想平日用工坦易平廣有  
能致此陽剛之力仰為賀羨永祿自頃歸后連汨憂  
冗若干所得一任壞了奈何且近世朋友講劇之事

全不得聞而間有篤志力學之士亦未免各執所見  
未有資輔之實可嘆曾子曰以友輔仁夫仁不借於  
友而非友無以成仁故曰輔仁輔之之道非講論亦  
無以相資矣向造高軒日與諸友聯袂濤流賞春是  
何等勝事而歸而思之苟能對坐一室抱膝談經其  
時資益儘不下十年之讀而殊未之及良可歎也湖  
南本名勝也往來之間必有可觀隨便示及如何

答金士瞻

斗應

長子婦晷服重宗之義也若於長子不得服斬而一  
依衆子則其婦亦當從衆子婦服可也子不得爲斬

而於婦獨用長婦服於義未安前輩禮說或未之攷  
耶禮長孫婦大功亦爲重宗而又云其姑在則否春  
府文之於此服亦不得大功而從衆孫婦服可也  
是在禮說不暇更辨

海庵先生文集卷之二

未刻



